

EKAINAK 6

Espainiako
Legebiltzarrerako
hauteskundeak

Bergizarteratzearen gaiak PP eta EAJren arteko haserrea piztu du

Barrionuevo Amedo eta Dominguezen indultuaren alde agertu zen atzo Bilbon

Jose Antonio Ardanazak hitz gogorrez kritikatu zituen Aznarrek preso batzuen balizko bergizarteratzearen aurka egindako adierazpenak. EAEko lehendakariaren ustez Ajuria Eneko Itunak ez dio inori aterik itxi. PPrentzat, berriz, Ardanazak ez ditu euskal herritar guztiak ordezkatzeko, EAJ baizik.

I. URIARTE / BILBO

«Ustekabe ezatsegina da Aznar Euskadira etortzea bazterrak nahastera» esan zuen Ardanazak Bilbon. Osteguneko mitinean PPko hautagaiak esan zuen «Caride edo Parot bergizarteratu nahi dutenek esan bezate, nik ez».

EAEko lehendakariak haserre batean gogorarazi zuen 1988an Ajuria Eneko Ituna sinatu zenean nahita ez zirela mugak jarri. «Hor esaten da bergizarteratzea dela ekinbide armatua uzteko borondate argia erakusten duen edozein pertsonarentzat» gogorarazi zuen. Ardanazak gaineratu zuen «zientziak eta kontzientziak ez zela mugarik ipini».

Ardanzak, zeharo suminduta, PPrentzari hitzarmeneko bederatzi eta hamargarren puntuak ere izenpetu zituela oroitarazi zion Aznarri. Zentzu horretan, «euskal alderdiek bortizkeriaren aurrean izan behar duten jokabidea aspaldidanik onartua daukate» berretsi zuen. Ardanazak Ajuria Eneko Hitzarmena hautsi nahia egotzi zion PPri.

Biolentziaren arazoa amaitzeaz jotzen dutenei aurre eginez, Ardanazak gogorarazi zuen biolentziak bere horretan irauten duela «nahiz eta une honetan beste garai batzuetan izan zuen protagonismoa ez izan».

BERGIZARTERATZEA BATZUENTZAT SOILIK

Ardanzak adierazpenak egin eta handik ordu gutxira Jaime Mayor Orejak EAEko lehendakariari «euskal herritar guztien ordezkaritza» daukanik ukatu zion. PPko burukideak esan zuen Leitzarango gatazkan edo EAJ eta HBren arteko elkarriketetan, kasu, Ardanazak ez zuela Ajuria Eneko Hitzarmena ordezkatzeko, beraren alderdia baizik.

Mayor Orejaren ustez «ekin-tzak egin dituzten terroristek, eta egiten segitu nahi dutenek, baldin badakite bergizarteratzearen bi-



EAJko buruzagiak haserre agertu ziren Aznarrek Bilbon esandakoagatik.

X. SIMAL

dea beti zabalik dagoena, tresna hau izango da eraginkorra hiltzeari ekin diezaioten».

Alberto Ruiz Gallardon prest agertu zen «pertsonekin» hitz egiteko «behin ETA desagertu eta armak entregatu ondoren». Madrilén Senaturako PPko lehen hautagaia denak bat egin zuen Aznarren jarraitzearekin. «Ezin bergizartera daiteke eskuak odoleztatuta daukanik» esan zuen.

KONTRAESANAK AMEDOREN INDULTUAK

PSOEn barruan jarri ezberdinak azaldu dira Amedo eta Dominguezen indultuaz.

Jose Barrionuevo GALEko polizia ohiei indultua ematearen alde agertu zen atzo ere. Barne ministro ohiak ziurtatu zuen indultuak ez dakarkiola ez arriskurik, ez kalterik gizarte demokratikoari, eta bai ordeza errespetua eta tolerantzia. «Horrelako era-

bakiak —indultuak— hartu ditut iraganean, eta bide zuzena dela uste dut» esan zuen Barne ministro ohiak.

Barrionuevok legea salbuespenik gabe aplikatzea eskatu zuen, «nire ustez justifikaziorik ez duten diskriminazio negatiborik egin barik».

Jose Ramon Rekalde, berriz, Ardanazaren adierazpenekin —indultuaren kontrakoak alegia— bat etorri zen.

Indarkeriaren gaia ez erabiltzeko konpromezua

BILBO

Herri Batasunak ezik, Euskal Autonomi Elkarteak gainontzeko alderdiek Bakea Orain taldeak proposatutako konpromezua onartu dute indarkeriaren gaia hauteskunde kanpaina ez erabiltzeko.

Javier Madrazo Bakea Orain taldeko bozeramaleak atzo azaldu zuenez, «Herri Batasunak ez zuen eskaera erantzun ere egin». Aitzitik, EAJ, EA-EUE, PSE-EE, PP, UA, Berdeak eta IUk onartu zuten eskaera, Madrazoren arabera alderdi batzuek emandako hitza bete ez badute ere.

Konpromezua onartzeaz gain, EAJk eta EA-EUE koalizioak beren ekarpenak egin dituzte. Horrela, jeltzaleek Ajuria Eneko Itunaren balioa berretsi dute eta

«Euskadin bake iraunkorra lortzeko beharra hauteskunde tresna gisa ezin dela erabili» azpimarratu dute. EA-EUEren irudiz, Euskal Herrian bakea eta normalizazioa lortzeko ez da «ez komenigarria ez bidezkoa» indarkeriaren gaia hauteskunde eztabaidan erabiltzea.

EAEko alderdi gehienek sinatu duten agirian zera eskatzen du Bakea Orainek, hauteskunde garaia izateagatik politikariek ez dezatela gero betetzerik izango ez duten ezer agindu. Halaber, indarkeriaren arazoa ia azkenekotan dagoela eta bere kabuz konponduko dela bezalako mezuek eragin negatiboa dutela uste du talde horrek. Hori dela eta, horrelako mezurik ez helarazteko eskatu die Bakea Orainek alderdiei.



JOSEBA OLALDE

Autobusez datoz jeltzaleak

Hego Euskal Herriko txoko eta bazter guztietara zabaldu nahi dituzte mezuak jeltzaleek. Triptikoak, boligrafoak, txiskeroak eta propagandako beste hainbat gauza garraiatuko dituzte argazkian ageri den autobus horretan. Eta guztiarekin batera banatzaileak, hots, hautagaiak. Jose Antonio Ardanaz EAEko lehendakaria ez dago jeltzaleen zerrendetan, baina lehena izan zen autobusean sartzen eta miazten. Dagoeneko lehendabiziko kilometroak eginak ditu autobusak, baina oraindik, ehundaka batzuk falta zaizkio.

EUREK ESANAK

5 Euskadiko lehendakari gisa eta Ajuria Eneko Itunaren arduradun nagusi gisa eskatzen diet ez dezaten nahas hementen argi zehaztuta daukagun gai bat.

Jose Antonio Ardanaz
EAJ

5 Kanpainaren dilema handiari buruz zeresarik ez daukanez, lehendakariak nahiago du kanpaina sartu beste gaiak handituz.

Jaime Mayor Oreja
PP

5 EA-EUEren boto ziurra da, fidagarria, gobernatu dugun erakundeetan horrela frogatu baitugu. Guk ez dugu engainatzen, horregatik agintea kendu diguten arren.

Imanol Murua
EA-EUE

5 Aizpun beldurrez eta lotsatuta dago, lotsa ematen baitio PPrentzari hautagaia dela eta Nafarroaren defentsan irabazi diogula aitortzeak.

Patxi Zabaleta
HB

5 Horrelako erabakiak [indultuak] hartu ditut iraganean eta [Amedo eta Dominguezekin] bide zuzena dela uste dut.

Jose Barrionuevo
PSOE